

Maqaalee Rabbii (Subhaanahu)-Kutaa 7.2

Description

Haqiqa Mootummaa

Kutaa darbe keessatti maqaaleen Maalik, Malik fi Maliik maal akka taâ€™an ilaalle jirra. Ammas itti fufuun waaâ€™ee mootii fi mootummaa daran ni hubanna. Imaamu Ä°bn Al-Qayyim ni jedha: Haqiqaan Mootummaa kan guuttamu kennuun, dhoowwachuun, kabajuun, salphisuun, mindaa kennuun, adabuun, dallansuun, gargaaru fi eegun, adda baasun, nama jabeenyi taâ€™uuf jabeessuun, nama xiqqeenyi maluuf xiqqeessuuni. Rabbiin oltaâ€™aan ni jedha:

للّهُمَّ مَلِكَ الْمُلْكِ تُؤْتِي الْمُلْكَ مَنْ تَشَاءُ وَتَنْزَعُ الْمُلْكَ مِمَّنْ تَشَاءُ وَتُعِزُّ مَنْ تَشَاءُ
مَنْ تَشَاءُ بِيَدِكَ الْخَيْرُ إِنَّكَ عَلَى كُلِّ شَيْءٍ قَدِيرٌ ۖ تُولِجُ الْأَلَيْلَ فِي الظَّهَارِ وَتُولِجُ الظَّهَارَ فِي
الظُّرُجِ الْحَيِّ مِنَ الْمَيِّتِ وَتُخْرِجُ الْمَيِّتَ مِنَ الْحَيِّ وَتَرْزُقُ مَنْ تَشَاءُ بِغَيْرِ حِسَابٍ ۚ ۗ

â€œJedhi, â€˜Yaa Rabbii Abbaa mootummaa kan taate! Nama feete mootummaa kennita, nama feete irraas mootummaa ni mulqita. Nama feete ni jabeessita, nama feete immoo ni xiqqeessita, kheeyrin harka Kee jira. Dhugumatti, Ati waan hundaa irratti Dandaâ€™aadha. Guyyaa keessa halkan seensifta, guyyaas halkan keessa seensifta. Jiraataa duâ€™aa keessaa baasta, duâ€™aaas jiraataa keessaa baasta. Nama feete herreega (hisaaba) malee razzaqxa (soorata kennitaaf).â€ (Suuratu Aali-Imraan 3:26-27) (ibsa aayaata tanniin boodarra ni ilaalla). Ammas ni jedha:

يَسْأَلُهُ مَنْ فِي السَّمَاوَاتِ وَالْأَرْضِ كُلَّ يَوْمٍ هُوَ فِي شَانِ

٢٩


â€œKan samiiwanii fi dachii keessa jiru hundi Isa kadhata. Guyyaa hundaa Inni hojiitti jira.â€ Suuratu Ar-Rahmaan 55:29

Zanbii ni araarama, cinqii ni fura, yaaddo ni saaqa, nama zulloomame ni gargaara, zaalima ni qaba, hiyyeessa ni duroomsa, kan cabee ni fooyyeessa, dhibama ni fayyisa, kan daare ni uwvisa, kan salphate ni jabeessa, nama jabaa yoo fedhe ni xiqqeessa, kadhataaf ni kenna, mootummaa garii deemsise kan biraa fida, namoota jidduu guyyoota ni jijjira (kana jechuun yeroo garii gareen tokko garee biraa akka mooâ€™atu taasisa, yeroo biraa immoo faallaa kana taâ€™a. Kunniin hundi ogummaa, beekumsaa fi fedhii Isaa irratti kan hundaaâ€™edha.), namoota garii olkaasa, garii immoo gadi buusa, samiiwanii fi dachii uumun dura wantoota murteesse yeroo isaanii keessatti bakkaan gaha. Homtu yeroo isaa hin dursu, ammas homtu yeroo isaatirraa duubatti hin hafu. Kana irra, wantoota hundaa hammaa fi yeroo isaanii

beeke walitti qabee fi lakkaaâ€™e jira. Mootummaa hunda keessatti kan tooâ€™atu fi qindeessu Isuma qofa. Inni Mootii Dandaâ€™aa, Injifataa, Haqaa, Rahiim taâ€™e fi mootummaan Isaa guutuu taâ€™eedha. Mootummaa Isaa keessatti eenyullee Isaan hin morkatu, eenyullee Isa faallessu hin dandaâ€™u. Bulchiinsa Isaa keessatti wanta fedhe hojjachuun haqummaa (justice), tola, ogummaa (wisdom), fooyyaâ€™insa fi rahmata jidduu naannaâ€™a. Hojii fedhe hojjachuun kanniin keessaa hin bahu.â€•[\[1\]](#) (Kana jechuun murtiin, tooâ€™anna fi qindaaâ€™inni Rabbiin subhaanahu wa taâ€™aalaa mootummaa Isaa keessatti raawwatu wantoota shanan kanniin irratti kan hundaaâ€™edha. Isaaniis, haqummaa, tola, ogummaa, fooyyaâ€™iinsa fi rahmata. Fakkeenyaf, nama badii raawwatu yoo tawbatuu didee badii ofii itti fufe, haqummaan isa ni adaba. Nama salphise haqummaa (adlii) Isaatiin isa salphise. Namni kuni badii hojjachuun waan itti fufee fi tawbachuu waan dideef dhumarraati salphinnaa fi adabbii isarratti murteessa. Kuni madaala haqummaati. Nama gara Isaatti deebiâ€™e immoo rahmata Isaatiin ni araaramaa. Nama waan gaarii hojjatu immoo tola Isaatiin mindaa guddaa kennaaf. Wanta uumuu hundaa ogummaan uuma. Shariâ€™aa kan buuseef fooyyaâ€™insa namootaatiif. Kanaafu, wantoota shanan kana irratti hundaaâ€™e mootummaa Isaa keessatti wanta fedhe hojjata. Namni Rabbii Injifataa fi Ogeessa taâ€™e waan badaan shakkuun dura wantoota kanniin haa ilaalu.)

Wantoota armaan olitti kaasne haala kanaan guduunfu dandeenya. Mootiin gara dhimmoota sadiiiti deebiâ€™a[\[2\]](#):

Iffaa-Amalli (sifanni) mootummaa Isaaf taâ€™uu. Mootiin bulchiinsa mootummaa hundaa kan harka qabuudha. Mootummaan tokko dhaabbachuuf maal isa barbaachisaa? Humna, jabeenya, dandeetti, beekumsa, ogummaa, fedhii, murtii fi kfk ni barbaachisu miti ree? Bakka kunnin hin jirretti mootummaan jiraachu dandaâ€™aa? Samiwwan torban, dachii fi wantoonni isaan keessa jiran hundi bulchiinsaa fi tooâ€™anna guddaa isaan barbaachisa. Kanaafu, Mootiin isaan bulchu fi tooâ€™atu humna, jabeenya fi dandeetti guutuu, beekumsa waan hundaa haguuge, ogummaa balâ€™aa, fedhii hojii irra oolu fi rahmata Kan qabuudha jechuudha. Mootiin Haqaa (jalla waâ€™alaa) ni jedha:



â€œMootummaan samiwwanii fi dachii kan Rabbiiti. Rabbiin waan hundaa irratti Dandaâ€™aadhaâ€• Suuratu Aali-Imraan 3:189

2ffaa-Mootiin haqaa samii fi dachii tooâ€™atu Tokkicha erga taâ€™e, wantoonni Isaa gadi jiran hundi Isa jalatti kan bulan, gabroota Isaati fi Isatti kan hajamaniidha. Akkuma kutaa darbe keessatti jenne Mootiin Haqaa Kan Of dandaâ€™ee fi homattu hin hajamneedha. Wantoonni Isaan ala jiran hundi Isatti hajamu. Sababni isaas, kan isaan tooâ€™atu, eegu fi wanta barbaadan isaaniif kennu Mootii Haqaa (Rabbitiin) qofa waan taâ€™eefi. Yoo tooâ€™annaan, eeggumsi fi kennaan Isaa isaan irraa cite jireenyi isaanii guutuun ni dhaabbatti. Mee ilaali, osoo samii irraa bisaan roobsu baate, aduun akka hin deemne bakka tokkotti qabee, jireenyi isaanii maal taatii? Mootiin Haqaa (subhaanahu wa taâ€™aalaa) ni jedha:

وَكَائِنٌ مِّنْ دَآبَةٍ لَا تَحْمِلُ رِزْقَهَا وَإِيَّاكُمْ وَهُوَ



السَّمِيعُ الْعَلِيمُ

â€œLubbu-qabeenyin baayâ€™een soorata isaanii hin baadhatan. Rabbiin isaanii fi isin ni soora. Inni Dhagahaa, Beekaadha.â€ Suuratu Al-Ankabuut 29:60

3ffaaâ€“ Tooâ€™anna fi murtii guutuu qabaachu. Mootiin wanta fedhe murteessa, wanta fedhe hojjata. Murtiin Mootii Haqaa bakka saditti hiram. Isaanis:

A-Murtiwwan Qadariyyah- Kuni murtii akka uumuu, argamsiisu, jiraachisu, ajjeesu, duroomsu, hiyyoomsu fi kkf dha. Murtiin kuni qadaraan (wanta dursee murteessen) kan wal-qabatuu fi guyyaa guyyaan addunyaa guutuu keessatti kan adeemsifamuudha. Garii ni ajjeesa, garii immoo gara addunyaa baasa, garii olkaasa garii gadi buusa. Garii ni duroomsa garii ni hiyyoomsaâ€!

B-Murtiwwan shariâ€™aa- kuni immoo murtii shariâ€™aa (seera Islaamatin) wal-qabatuudha. Ergamtoota erguu fi kitaabban buusun halaala fi haraamni maal akka taâ€™an ni murteesse. Hojii isaanii hunda keessatti murtii kanarra akka deeman ni ajaje. Fakkeenyaf, Rabbiin qofa gabbaruun murtii shariâ€™aati. Kanaafu, gabroonni Isa qofa gabbaru qabu.

C-Murtiwwan Jazaa- kuni murtii nama waan gaarii hojjateef mindaa kennuu fi nama waan badaa hojjate irratti immoo adabbii murteessun kan wal qabatuudha. Nama waan gaarii hojjate tola Isaatiin mindaa guddaa kennaaf, nama badii hojjate haqummaa (adlii) Isaatiin adabbii irratti murteessa. Murtiin kuni tolaa fi haqummaa irra naannaâ€™a.

Namni Jannata kan seenu tolaa fi rahmata Rabbiitin. Akkasi miti ree? Garuu asitti Jannata seenuuf hojiin hin barbaachisu jechuu miti. Amanuu fi hojiin gaggaariin ulaagalee barbaachisiidha. Garuu Rabbiin oltaâ€™e tola Isaatiin mindaa hojii nama sanii dachaa kudhan irraa jalqabe hanga 700 fi san caalutin isaaf baayâ€™isa. Dhugumatti kuni tolaa fi arjummaa guddaadha. Faallaa kanaa, namni amanuu fi hojii gaggaarii hojjachuu dide tola guddaa kana dhabuun haqummaan (adliin) adabbiin isarratti darba. Kanaafu, Rabbiin gonkumaa eenyullee hin miidhu.

Mee gara duubatti deebinee murtii sadan kanniin haa ilaallu. Eenyullee taanan murtii sadan kanniin keessaa xiqlaate xiqlaatu murtiwwan lama keessa osoo hin seenin hin hafu. Murtii 1ffaa fi 3ffaa keessaa Muslimnis kaafirris, nama badii hojjatus hin hojjannes ni seena. Murtii 2ffaa keessa warri aman ni seenu, of-tuultonni immoo ni dhiisan. Murtii sadaffaa keessatti namni hunduu jazaa waan hojjatuu ni argata. Tarii addunyaa irratti hamma taâ€™e ni argatu. Garuu haala guutuu taâ€™een murtiin sadaffaan kuni kan adeemsifamu Guyyaa Murtiiti ykn Qiyaamati. Rabbiin subhaanahu wa taâ€™aalaa ni jedha:

﴿يَوْمَ هُمْ بَرِزُونَ لَا يَخْفَى عَلَى اللَّهِ مِنْهُمْ شَيْءٌ لِّمَنِ الْمُلْكُ الْيَوْمَ لِلَّهِ الْوَاحِدِ الْقَهَّارِ ﴾
 ﴿الْيَوْمَ تُجْزَى كُلُّ نَفْسٍ بِمَا كَسَبَتْ لَا ظُلْمَ الْيَوْمَ إِنَّ اللَّهَ سَرِيعُ الْحِسَابِ ﴾

â€œGuyyaa hundi isaanitu ifa bahan, isaan ilaalchisee homtu Rabbiin irraa hin dhokatu. â€œHarâ€™a mootummaan kan eenyuti? Kan Rabbii Tokkicha [waa hundaa] Injifataa taâ€™eeti.â€™ [jedhama]. Harâ€™a nafseen hundi wanta hojjatteen jazaa argatti. Harâ€™a zulmiin hin jiru. Dhugumatti, Rabbiin qorachuutti Saffisaadha.â€ Suuratu Ghaafir 40:16-17

â€œGuyyaa hundi isaanitu ifa bahanâ€ kana jechuun qabrii keessaa yaaâ€™anii Guyyaa dirree wal-qixxaâ€™a buâ€™aa bahiin keessa hin jirree irratti walitti qabamanii fi homtu isaan hin dhoksineedha. Dirree kana irratti wanti isaan dhoksu ykn gaaddisesu tokkollee hin jiru. Namoonni hundi ifatti bahu. â€œisaan ilaalchisee homtu Rabbiin irraa hin dhokatuâ€ Qaama isaanii irraayis taâ€™ee, hojii isaanii irraayis taâ€™ee, jazaa hojii hojjataniis taâ€™ee wanti Rabbii oltaâ€™aa irraa dhokatu hin jiru. Isarraa qaama isaanitiin gaara ykn bakka tokkotti of dhoksuu hin dandaâ€™an. Guyyaa san dachiin dirree wal-qixxaata waan taatush bakka itti of dhoksan hin jiru. Osoo of dhoksaniyyuu Rabbiin subhaanahu isaan arga. Ammas, hojii isaanii Isarraa dhoksuu hin dandaâ€™an. Wanti isaan hojjatan hundi gal mee (kitaaba) keessatti kan walitti qabameedha. Jazaanis Isarraa hin dhokatu.

â€œHarâ€™a mootummaan kan eenyuti?â€ kana jechuun, â€œHarâ€™a aangoon kan eenyuti?â€ Guyyaan kuni Guyyaa Qiyaamaati.[\[3\]](#) Guyyaa kana aangoor fi olâ€™aantummaan uumamtoota hundaa addaan cite jira. Guyyaa kana aangoor fi olâ€™aantummaan Kan Rabbii tokkicha waa hundaa Injifataa taâ€™eeti. Kan addunyaa irratti mooti turee fi mootii hin turre, dureessaa fi hiyyeessi Isa fuunduratti walitti qabaman. Kanaafu, Guyyaa Qiyaamaa Abbaan Murtii fi Aangoo murtii isaan jidduutti dabarsu Rabbii oltaâ€™aa qofa. Kanaafi itti aanse ni jedha,â€œHarâ€™a nafseen hundi wanta hojjatteen jazaa argatti.â€ Kana jechuun Harâ€™a (Kuni Guyyaa Walitti qabamaa Guyyaa Qiyaamaati), namni addunyaa irratti qormaatamaa ture kan itti qoratamuudha. Filannoo ofiitiin wanta hojjateef jazaa argata. Yoo amanee fi hojii gaggaarii hojjate, Jannata qananii keessatti mindaa guddaa fi bareedaa argata. Yoo kafaree fi Gooftaa isaa faallesse, adabbii isaaaf malu adabama.[\[4\]](#) â€œHarâ€™a zulmiin hin jiru.â€ Kana jechuun badii inni hin hojjannee isatti baachisuun ykn hojii gaarii ulaagaalee (sharxiwwan) barbaadaman guutuun hojjate isa jalaa hirâ€™isuun isa miidhuun hin jiru. Badii hin hojjanneef hin adabamu. Iimaana, iklaasa fi shariâ€™aa irratti hundaaâ€™un hojii gaarii hojjate irraayis mindaan isaa hin hirâ€™ifamu.

Namoonni gariin, â€œNamoota jalqaba irraa kaasee hanga dhumaatti jiran qorachuun yeroo dheeraa fudhata.â€ Jedhanii yaadu dandaâ€™u. Yaada kana deemsisuuf, â€œDhugumatti, Rabbiin qorachuutti Saffisaadha.â€ jechuun deebii itti kenna. Isa biratti namoota jalqaba irraa kaasee hanga dhumaatti jiran qorachuun akka nafsee takka qorachuuti. Akkuma bakka biraatti jedhe, â€œUumamni keessanii fi kaafamni keessan akka nafsee (lubbuu) takkatti malee homaayyu miti. Dhugumatti Rabbiin dhagahaa, argaadha.â€ Suuratu Luqmaan 31:28[\[5\]](#)

Addunyaa keessatti hojii hojjataa turaniif Guyyaa san gabroota qorachuuf Inni baayâ€™ee saffisaadha. Yeroo gabaaba keessatti isaan qorachuun jazaa isaaniif kafala. Akkana jechuun dubbatamee jira, â€œGuyyaa san qorannoon xumuramee hanga warri Jannataa Jannata keessatti boqonnaa fudhatanitti, warra Jahannamis Jahannam seenanitti, walakkaan guyyaa hin darbu. Qorannoo fi isaan jidduutti murteessun yoosu xumurama.â€ [6]

Kitaabban wabii:

- [1] (Xariiqu hijrateyn wa baabu Saâ€™adateyn 228-229)
- [2] [Fiqhu Al-Asmaaâ€™il Husnaâ€“](#) fuula 99-100, Abdurazzaaq bin AbdulMuhsin Badri
- [3] Xabarii 20/299
- [4] Maâ€™aarij 12/341
- [5] Tafsiiru Ibn Kasiir 6/488
- [6] Tafsiiru Xabarii 20/300

Date Created

October 1, 2019

Author

admin